

Jamoatchilik kengashi axboroti

I. Statistika agentligi huzuridagi Jamoatchilik kengashi faoliyatining 2023-yil II chorak yakuni bo'yicha tahlili;

II. "2023-yil uchun Statistika dasturi" doirasida 2023- yil II chorak yakuni bo'yicha bajarilgan ishlar to'g'risida;

III. Xalqaro hamkorlik va axborot almashinuvi hamda Milliy barqaror rivojlanish maqsadlari bo'yicha amalga oshirilayotgan ishlar;

IV. Aholini ro'yxatga olish ishlariga tayyorgarlik ko'rish va ularni amalga oshirish bo'yicha amalga oshirilgan ishlar;

V. Statistika agentligi faoliyatida korrupsiyaga qarshi kurashish sohasida olib borilayotgan ishlar holati tahlili;

VI. Ijro intizomi bo'yicha II chorak yakuni bo'yicha bajarilgan ishlar.

Statistika agentligi huzuridagi Jamoatchilik kengashi (keyingi o'rinlarda Jamoatchilik kengashi) raisi Y.A. Abdullayev kun tartibidagi masalalar bilan ishtirokchilarni tanishtirdi.

I. Statistika agentligi huzuridagi Jamoatchilik kengashi raisi Y. Abdullayevning 2023-yil II choragi yakuni bo'yicha kengash faoliyatiga doir hisoboti.

Jamoatchilik kengashi raisi Y.A. Abdullayev 2023-yil "Insonga e'tibor va sifatli ta'lim" yili doirasida tizim oldiga belgilab berilgan topshiriqlarni so'zsiz, sifatli va o'z muddatida ijrosini ta'minlash borasida 2023-yilning II choragida amalga oshirilgan ishlar haqida ma'lumot berdi.

Xususan, u O'zbekiston Respublikasi Prezidentining "Davlat organlari va tashkilotlarining faoliyati ochiqligini ta'minlash, shuningdek, jamoatchilik nazoratini samarali amalga oshirishga doir qo'shimcha chora-tadbirlar to'g'risida"gi Farmonida belgilangan vazifalar va mazkur Farmon bilan Jamoatchilik kengashi nizomiga kiritilgan asosiy o'zgarishlar borasida to'xtalib o'tdi.

Jumladan, davlatimiz rahbarining "Davlat organlari va tashkilotlarining faoliyati ochiqligini ta'minlash, shuningdek, jamoatchilik nazoratini samarali amalga oshirishga doir qo'shimcha chora-tadbirlar to'g'risida"gi Farmoni ijrosini ta'minlash maqsadida statistika tizimi faoliyatiga oid hisobotlar (davlat sirlari va xizmatda foydalanish uchun mo'ljallangan ma'lumotlar bundan mustasno) rasmiy qo'mita rasmiy veb-saytida muntazam ravishda e'lon qilib borilmoqda.

Shuningdek, Jamoatchilik kengashi tomonidan turli yo'nalishlar bo'yicha tadbirlar tashkil etilib, mavjud kamchiliklar muhokama qilinib, muammolar o'z vaqtida bartaraf etilishi bo'yicha chora-tadbirlar ishlab chiqilyapti.

Xususan, quyidagilar to'g'risidagi ma'lumotlarni O'zbekiston Respublikasining Ochiq ma'lumotlar portaliga va o'z rasmiy veb-saytlariga joylashtirib, har chorakda yangilanib borilmoqda:

- amalga oshirilgan davlat xaridlari, shu jumladan to'g'ridan-to'g'ri shartnomalar bo'yicha xarid qilinadigan tovarlar;

- mansabdor shaxslarning xizmat safarlari va xorijdan tashrif buyurgan mehmonlarni kutib olish xarajatlari (xizmat safarining yoki tashrifning maqsadi, sutkalik pul, transport va yashash bilan bog'liq xarajatlar, bundan davlat sirlari va xizmatda foydalanish uchun mo'ljallangan ma'lumotlar mustasno);

- o'zlarining yillik xarajatlar smetasi va uning ijrosi, shu jumladan obyektlarni qurish, rekonstruksiya qilish va kapital ta'mirlash ishlari, avtomototransport vositalarini sotib olish xarajatlariga oid ma'lumotlar.

2023-yil II choragida Statistika agentligi faoliyati hamda sohaga doir qabul qilingan me'yoriy-huquqiy hujjatlarning ijrosi va tahliliga qaratilgan turli uchrashuv va konferensiyalar tashkil etildi. Ularda keng jamoatchilik vakillari va ommaviy axborot vositalari xodimlari ishtirok etib, o'zlarini qiziqtirgan savollariga atroflicha javob olishdi.

Ta'kidlash lozimki, 2023- yilning 30-aprel kuni yurtimizda katta siyosiy jarayon, konstitutsiyaviy islohotlar yuzasidan [referendum bo'lib o'tdi](#). O'zbekiston Respublikasi Prezidenti huzuridagi Statistika agentligi jamoasi ham barcha yurtdoshlarimiz kabi ushbu [siyosiy tadbir – referendumda faol ishtirok etib](#), o'z fuqarolik burchini chuqur anglab, siyosiy yetukligini namoyon etishdi.

Shu yilning 27- aprel kuni O'zbekiston Respublikasi Prezidenti huzuridagi Statistika agentligida 2023- yil I chorak yakunlari bo'yicha agentlikning kengaytirilgan [Hay'at yig'ilishi o'tkazildi](#). Unda Statistika agentligi rahbariyati, Kadrlar malakasini oshirish va statistik tadqiqotlar instituti vakillari, tarmoq va hududiy statistika boshqarmalari boshliqlari hamda masofaviy videoaloqa orqali hududiy statistika boshqarmalari xodimlari qatnashdi.

Statistika agentligi Jamoatchilik kengashi tashabbusi bilan O'zbekiston Respublikasi Prezidenti huzuridagi Statistika agentligida Kasaba uyushmasi qo'mitasi hamda Xotin-qizlar boshlang'ich tashkiloti tomonidan [bayram festivali o'tkazildi](#).

Aytish kerakki, 2023-yil II choragida ham Statistika agentligi tomonidan yurtimizdagi nufuzli oliy ta'lim dargohlarida doimiy tarzda uztovlar va talabalar bilan davra suhbatlari tashkil etildi. Jumladan, Joriy yilning 14-aprel kuni

Toshkent davlat iqtisodiyot universitetida O‘zbekiston Respublikasi Prezidenti huzuridagi Statistika agentligi tomonidan davra suhbatlari tashkil etildi. Shuningdek,

Qoraqalpoq davlat [universiteti](#), Toshkent moliya [instituti](#), Buxoro davlat [universiteti](#), Termiz iqtisodiyot va servis [universiteti](#), Navoiy davlat pedagogika [instituti](#), Toshkent davlat transport [universiteti](#), Toshkent davlat sharqshunoslik [universiteti](#), Toshkent davlat iqtisodiyot [universiteti](#), Namangan muhandislik qurilish [instituti](#) kabi oliy ta’lim muassasalarida uztuzlar va talabalar bilan turli yo‘nalishlarda davra suhbatlari tashkil etildi.

Shuningdek, 2023- yil 15- iyun kuni Toshkent moliya institutidagi “Statistika ilmiy-amaliy laboratoriyasi”da O‘zbekiston Respublikasi Prezidenti huzuridagi Statistika agentligi tomonidan mahorat [darsi o‘tkazildi](#).

2023- yil 17-fevral kuni O‘zbekiston Respublikasi Prezidenti huzuridagi Statistika agentligi tomonidan Toshkent shahri Mirobod tumani Ziyonur mahallasida joylashgan 31-maktab o‘quvchilari bilan [uchrashuv tashkil etildi](#).

Mazkur o‘tkazilgan tadbirlarida Statistika agentligi tomonidan amalga oshirilayotgan ishlar, agentlik tomonidan shakllantirilayotgan mamlakatimizning muhim ijtimoiy-iqtisodiy ko‘rsatkichlari, aholini ro‘yxatga olish, multiindikator klasster kuzatuvlari, gender statistikasi, barqaror rivojlanish maqsadlari, sanoat statistikasi, qishloq xo‘jaligini ro‘yxatga olish kabi masalalar hamda statistik ma’lumotlarning ochiqligi hamda xalqaro tashkilotlar bilan hamkorlikdagi vazifalar haqida ma’lumotlar berildi.

Statistika agentligining nufuzli reyting va indekslarda qayd etilayotgan natijalar borasida oliy ta’lim dargohlarida bilim olayotgan talabalarga atroflicha ma’lumot berib, talabalarning savollariga javob berish amaliyotini yo‘lga qo‘yishdi. Bu jarayonlar ham bevosita jamoatchilik bilan aloqalar, ularning fikr va takliflari bilan ish olib borishning bir yo‘nalishidir.

Statistika agentligi faoliyati haqida jamoatchilik fikrini doimiy monitoring qilish hamda mavjud statistika ma’lumotlari haqida jamoatchilikning xabardorligini, ularning statistika ma’lumotlariga bo‘lgan ishonchini oshirish uchun foydalanuvchilar bilan yaqindan aloqa o‘rnatish maqsadida turli so‘rovnomalar o‘tkazib kelinmoqda. Jumladan, qo‘mita rasmiy veb-sayti hamda qo‘mitaning ijtimoiy tarmoqlardagi rasmiy sahifalarida so‘rovnomalar o‘tkazilib, ularning natijalari tahlil qilib borilmoqda.

Xodimlar o‘rtasida ma’naviy-ma’rifiy tadbirlar tashkil etish, ularning kitobxonlik saviyasini oshirishga qaratilgan qator tadbirlar tashkil etilmoqda. Tadbirlarga taniqli shoirlar, yozuvchilar va Respublika ma’naviyat va ma’rifat markazidan mutaxassislar jalb etilib, turli ma’naviy tadbirlar hamda

uchrashuvlar tashkil etilib, xodimlarni qiziqtirgan savollariga atroflicha javob berib borilmoqda.

Jamoatchilik kengashi tomonidan gender tenglik masalalarida ham turli targ'ibot-tashviqot ishlari olib borilyapti.

Xususan, joriy yil 6- iyun kuni Senatning Xotin-qizlar va gender tenglik masalalari qo'mitasi tomonidan senatorlar, qo'mita ekspertlari guruhi a'zolari, vazirlik va idoralar vakillari ishtirokida 2030-yilga qadar O'zbekiston Respublikasida gender tenglikka erishish strategiyasini 2023-yilda amalga oshirish bo'yicha kompleks chora-tadbirlar dasturi ijrosining borishi muhokama qilindi. Unda agentlik xodimlari ham [faol ishtirok etishdi](#).

Shuningdek, Qashqadaryo viloyati statistika boshqarmasida Xotin-qizlar boshlang'ich tashkilotining faoliyati va uning ayollar hayotidagi o'rni yuzasidan [tadbir tashkil etildi](#).

2023-yilning 15- iyun kuni O'zbekiston Respublikasi Prezidenti huzuridagi Statistika agentligida Birlashgan Millatlar Tashkilotining Gender tengligi va ayollar huquqlarini kengaytirish bo'yicha tashkiloti missiyasi bilan [uchrashuv tashkil etildi](#).

O'zbekiston Respublikasi Prezidenti huzuridagi Statistika agentligi Kasaba uyushmasi qo'mitasi tomonidan 9 may – Xotira va qadrlash kuni arafasida, agentlik tizimida faoliyat yuritib, hozirda nafaqaga chiqqan keksalar uchun turli tadbirlar tashkil etilib, ularning [holidan xabar olindi](#).

Statistika agentligi xodimlarining turli jamoatchilik ishlarida ham faoli ishtirok etib kelayotganini alohida ta'kidlash lozim. Jumladan, Statistika agentligi tomonidan Toshkent shahrining Yangihayot tumanidagi mahallalarda muntazam ravishda obodonlashtirish va ko'kalamzorlashtirish tadbirlari, sport musobaqalari, turli madaniy-ma'rifiy uchrashuvlar, teatrlarga tashrif, yurtimizning diqqatga sazovor maskanlariga sayohatlar [tashkil etib kelinmoqda](#).

Shu o'rinda Agentlik tomonidan nufuzli xorijiy tashkilot vakillari bilan tashkil etilgan tadbirlar haqida qisqacha to'xtalib o'tsak:

Joriy yilning 15–19-may kunlari [Koreya Respublikasi “Statistika Koreya” idorasi](#) delegatsiyasi statistika sohasida hamkorlik aloqalarini yanada kengaytirish va ikki tomonlama dolzarb mavzularda o'zaro tajriba almashish masalalarida amaliy tashrif bilan O'zbekistonda bo'ldi.

2023- yilning 30-mart – 6-aprel kunlari [Serbiyaning Belgrad shahrida](#) Birlashgan Millatlar Tashkilotining UNICEF Bolalar jamg'armasi tomonidan “Multiindikator klaster kuzatuvlari 7-raundi (MICS-7)” mavzusida o'quv seminari tashkil etildi.

2023- yilning 12–13- aprel kunlari [Rossiya Federatsiyasining Nijniy Novgorod shahrida](#) Rossiya statistika Assotsiatsiyasi hamda Iqtisodiyot oliy maktabi tomonidan “Hukumat qarorlari samaradorligini oshirish, iqtisodiyot uchun raqamli infratuzilmani yaratish, statistika fanlari va ta’limini rivojlantirishga ko‘maklashish maqsadida MDH statistik hamjamiyatini rivojlantirish” mavzusida xalqaro konferensiya o‘tkazildi.

2023- yil 24–27- aprel kunlari [Xitoyning Xanchjou shahrida](#) Birlashgan Millatlar Tashkilotining Iqtisodiy va ijtimoiy masalalar bo‘yicha departamenti Statistika bo‘limi hamda Xitoy Xalq Respublikasi Milliy statistika byurosi tomonidan BMTning 4-butunjahon ma’lumotlar forumi tashkil etildi.

2023- yilning 25–27- aprel kunlari [Shveysariyaning Jeneva shahrida](#) BMTning Yevropa iqtisodiy komissiyasi tomonidan milliy hisoblar bo‘yicha ekspertlar guruhi yig‘ilishi tashkil etildi.

Joriy yilning 3-may kuni [Samarqand shahrida](#) O‘zbekiston Respublikasi Prezidenti huzuridagi Statistika agentligi hamda Migratsiya bo‘yicha xalqaro tashkilot (MXT)ning O‘zbekistondagi vakolatxonasi bilan hamkorlikda “Migratsiyaga oid statistik ma’lumotlar bilan ishlash: mavjud amaliyot va istiqboldagi rejalar” mavzusida davra suhbatini tashkil etildi.

Mazkur davra suhbatida Markaziy Osiyo mamlakatlari statistika idoralarining yuqori darajadagi vakillari, shu jumladan, O‘zbekiston Respublikasi Prezidenti huzuridagi Statistika agentligi direktori Begalov Bahodir Abdusalomovich boshchiligidagi delegatsiya vakillari, MXT mutaxassislari va ekspertlari, shuningdek, O‘zbekistonning tegishli davlat idoralari, Qozog‘iston, Qirg‘iz va Tojikiston davlat idoralari, MXTning Venadagi Mintaqaviy ofisi, Markaziy Osiyo davlatlaridagi missiyalarining vakillari ishtirok etdi.

2023- yilning 9–12- may kunlari [Shveysariyaning Jeneva shahrida](#) BMTning Yevropa iqtisodiy komissiyasi tomonidan gender statistikasi bo‘yicha ekspertlar guruhi yig‘ilishi tashkil etildi.

2023-yilning 8–12- may kunlari [Qozog‘iston Respublikasining Olmaota shahrida](#) Birlashgan Millatlar Tashkilotining Statistika bo‘limi (UNSD) BMT-Habitat bilan hamkorlikda hamda Yevropa Komissiyasi tomonidan urbanizatsiya darajasini baholash metodologiyasini amalga oshirish bo‘yicha mintaqaviy seminar tashkil etildi.

Shuningdek, shu yilning 17-18-may kunlari Qozog‘iston Respublikasining Olmaota shahrida “Markaziy Osiyoda iqtisodiy rivojlanish uchun samarali boshqaruv” mavzusida xalqaro [konferensiya o‘tkazildi](#).

2023- yilning 24–25- may kunlari [Italiyaning Turin shahrida](#) Yevropa ta’lim jamg‘armasi tomonidan “Kasbiy ko‘nikmalarga e’tibor qaratgan holda mehnat

bozori va mehnat faoliyatiga o'tish bo'yicha ma'lumotlarni birlashtirish va ulardan foydalanish" mavzusida seminar tashkil etildi.

Alohida aytish kerakki, joriy yilning 8-iyun kuni [poytaxtimizdagi "Hilton" mehmonxonasida](#) O'zbekiston Respublikasi Prezidenti huzuridagi Statistika agentligi hamda BMTning Aholishunoslik jamg'armasi (UNFPA)ning O'zbekistondagi vakolatxonasi bilan hamkorlikda O'zbekiston Respublikasi va hududlarining 2050- yilgacha demografik rivojlanish prognozlarini natijalari va respublikada tug'ilish bo'yicha o'tkazilgan tanlanma so'rov natijalari taqdimotiga bag'ishlangan davra suhbatini bo'lib o'tdi.

Joriy yilning 6-8-iyun kunlari O'zbekiston Respublikasi Prezidenti huzuridagi Statistika agentligi delegatsiyasi Yevrostat taklifiga binoan Yevropa statistika tizimining "Yevropa amaliyoti kodeksi" va sifatini ta'minlash bo'yicha standartlarni joriy etish bo'yicha tajribasini o'rganishga bag'ishlangan seminarda ishtirok etdi. Seminar [Polshaning Krakov shahrida](#) bo'lib o'tdi.

2020- yilning 1- iyun kuni O'zbekiston Respublikasi Prezidenti Shavkat Mirziyoyev rahbarligida milliy statistika sohasini takomillashtirish chora-tadbirlari bo'yicha o'tkazilgan yig'ilishda kadrlar masalasiga alohida to'xtalib, statistika tizimining barcha mutaxassis kadrlarini o'qitish, malakasini oshirish yuzasidan topshiriqlar berilgan edi.

Shundan kelib chiqib, joriy yilning 29- may kuni O'zbekiston Respublikasi Prezidenti huzuridagi Statistika agentligida Toshkent moliya instituti bitiruvchilarining magistrlik [dissertatsiya ishi himoyalari bo'lib o'tdi.](#)

2023- yilning 8- iyun kuni O'zbekiston Respublikasi Prezidenti huzuridagi Statistika agentligi huzuridagi Kadrlar malakasini oshirish va statistik tadqiqotlar instituti qoshidagi Iqtisodiyot fanlari bo'yicha ilmiy darajalar beruvchi DSc.29/30.12.2019.1.92.01 raqamli Ilmiy kengashning navbatdagi majlisi bo'lib o'tdi. Unda Andijon mashinasozlik instituti mustaqil izlanuvchisi, Andijon iqtisodiyot va qurilish instituti rektori To'ychiboyev Nozimjon Soliyevich 08.00.14 – Iqtisodiyotda axborot tizimlari va texnologiyalari ixtisosligi bo'yicha "Kompaniya boshqaruv tizimida axborot-kommunikatsiya texnologiyalaridan samarali foydalanishning nazariy va uslubiy asoslari" mavzusidagi iqtisodiyot fanlari doktori ilmiy darajasini olish uchun yozilgan (DSc) dissertatsiyasining himoyasi bo'lib o'tdi.

Shuningdek, Statistika agentligining Protokol xizmati bosh mutaxassisi, Kadrlar malakasini oshirish va statistika tadqiqotlar instituti mustaqil izlanuvchisi Sharipov Bobur Anvar o'g'lining 08.00.06 – Ekonometrika va statistika ixtisosligida "Kichik biznes sohasini iqtisodiy rivojlanish jarayonlarini statistik baholash (Toshkent viloyati misolida)" mavzusidagi iqtisodiyot fanlari bo'yicha falsafa doktori (PhD) dissertatsiya [ishi himoyasi o'tkazildi.](#)

Statistika agentligi xodimlari va ularning oilalarini uy-joy, ijtimoiy-maishiy, xizmat shart-sharoitlarini, ularga malakali tibbiy yordam ko'rsatish sharoitlarini yaxshilashda, shuningdek, ishdan bo'shatilgan yoki zaxiraga olingan xodimlarni ijtimoiy va kasbiy moslashtirish muammolarini hal etishga ko'maklashish borasida, doimiy tarzda faol va samarali mehnat qilayotgan kadrlar har tomonlama qo'llab-quvvatlanib, ularga xizmat uylaridan foydalanishlari uchun imkoniyat va sharoitlar yaratilmoqda.

Tizimda uzoq yillar davomida samarali faoliyat yuritgan keksalar holidan xabar olinib, ularga moddiy-ma'naviy ko'mak berilmoqda. Yil davomida har bir bayramlarda ularning uylariga tashrif buyurib, ularga oziq-ovqat mahsulotlari yetkazib berilmoqda. Bevosita bu jarayonlar haqida keng jamoatchilikni xabardor qilish maqsadida, qo'mitaning rasmiy veb-sayti va ijtimoiy tarmoqlardagi rasmiy sahifalarida xabarlar berib borilmoqda.

Statistika agentligi, uning hududiy bo'linmalari va tasarrufidagi tashkilotlarida sog'lom ishchanlik muhitini rivojlantirish, qonuniylikni, yuksak huquqiy madaniyat va axloqiylikni ta'minlash, ommaviy sportni targ'ib etish yuzasidan ham tizimli ishlar amalga oshirilmoqda. Jumladan, har hafta doimiy tarzda turli sport musobaqalari [tashkil etilmoqda](#).

Jamoatchilik kengashi Statistika agentligi faoliyatini ommaviy axborot vositalarida yoritish bo'yicha bajarilayotgan ishlarning natijalarini tahlil qiladi, ularning samaradorligini oshirish va mavjud kamchiliklarni bartaraf etish yuzasidan takliflar ishlab chiqadi. Bu borada qilingan ishlarga to'xtaladigan bo'lsak, 2023-yil II choragida Axborot xizmati tomonidan qo'mita faoliyati va statistik ko'rsatkichlarni keng jamoatchilikka yoritish maqsadida quyidagilar amalga oshirildi:

- Agentlik rahbariyati ishtirokida doimiy tarzda ommaviy axborot vositalari uchun [matbuot anjumanlari](#) tashkil etilmoqda;
- nufuzli oliy ta'lim muassasalarida talabalar ishtirokida [ochiq muloqot va davra suhbatlari](#) o'tkazilmoqda;
- Agentlik rahbariyati va mutaxassislarining tahliliy maqolalari [gazeta va jurnallarda](#) yoritib borilmoqda;
- qiziqarli statistik ma'lumotlar asosida [infografika roliklari](#) tayyorlanib, respublika telekanallarida efirga uzatilib kelinmoqda;
- Agentlikning, Axborot xizmati rahbarining va qo'mita raisining ijtimoiy tarmoqlardagi rasmiy sahifalarida har kuni doimiy tarzda 20 dan ortiq statistik ma'lumotlar va yangiliklar yoritilmoqda;
- Agentlikning [rasmiy veb-sayti](#)da haftaning 5 kuni mobaynida doimiy ravishda 100 tadan ortiq yangiliklar joylashtirimoqda;

- foydalanuvchilar uchun oylik, choraklik va yillik tahliliy [press-relizlar](#), dokladlar 3 tilda e'lon qilinmoqda;
- Agentlikning [rasmiy veb-sayti](#) hamda [telegram](#) kanallari, [facebook](#) sahifalarida foydalanuvchilarning murojaatlariga javob berib borilmoqda;
- har kuni eng ommabop [telegram kanallari va Internet saytlari](#) uchun alohida qiziqarli qisqa topiklar tayyorlanib, keng jamoatchilikka tezkorlik bilan yetkazilishi ta'minlanmoqda;
- domiy tarzda tashkil etiladigan matbuot anjumanlari, ochiq muloqotlar va davra suhbatlari jarayonlari facebookda onlayn yoritilmoqda;
- Axborot xizmati doimiy tarzda OAV xodimlari, jurnalistlar va blogerlarning savol va murojaatlariga o'z vaqtida javob qaytarib kelmoqda.

Jamoatchilik kengashi yig'ilishi kun tartibidagi 1-masala yuzasidan kengash a'zolari qaror qiladi:

1. Jamoatchilik kengashi raisi Y. Abdullayevning 2023-yil II choragi yakuni bo'yicha kengash faoliyatiga doir hisoboti ma'lumot uchun qabul qilindi.
2. Nufuzli xorijiy tashkilot vakillari bilan tashkil etilayotgan uchrashuvlar haqida o'z vaqtida xabar berilib, soha xodimlarining o'zlashtirayotgan tajribalari haqida muntazam ravishda materiallar tayyorlanib, rasmiy saytda e'lon qilinishi ta'minlasin.
3. Jamoatchilik kengashi tomonidan xodimlar malakasini oshirish bo'yicha tashkil etilayotgan turli tadbir, seminar hamda o'quv kurslarini OAVda keng yoritish ta'minlansin.

II. "2023-yil uchun Statistika dasturi" doirasida 2023- yil II chorak yakuni bo'yicha bajarilgan ishlar to'g'risida A. Ikramovning hisoboti eshitildi.

Statistika dasturi O'zbekiston Respublikasi Vazirlar Mahkamasining 2023-yil 27-fevraldagi "2023- yil uchun Statistika dasturini tasdiqlash to'g'risida"gi 80-son qarori bilan tasdiqlangan.

Dasturga muvofiq, 2023- yilning yanvar-iyun oylarida jami 1744 ta statistika ishlari belgilangan muddatlarda va to'liq hajmda bajarildi, shundan 907 tasi Statistika agentligi va uning organlari tomonidan, 463 tasi rasmiy statistikaning boshqa tayyorlovchilari tomonidan va 374 tasi boshqa vazirlik, idora va tashkilotlar tomonidan bajarildi.

Statistika agentligi tomonidan, iqtisodiyot sohalari hamda tarmoqlari rivojlanishi maqsadli kompleks dasturlari monitoringi uchun doimiy ravishda

miqdoriy ko'rsatkichlar shakllantirib borildi, hududlar hamda iqtisodiyot tarmoqlari rivojlanishi holatini kompleks tavsiflovchi tahliliy-statistika ma'lumotlari har oyda hukumatga taqdim etib borildi.

Shuningdek, 2022-yilning yanvar-dekabr, 2023-yilning yanvar-mart davri uchun O'zbekiston Respublikasining ijtimoiy-iqtisodiy rivojlanishining dastlabki yakunlari bo'yicha statistika ma'lumotlari tayyorlanib, O'zbekiston Respublikasi Prezidenti Administratsiyasi, Vazirlar Mahkamasi, Iqtisodiy taraqqiyot va kambag'allikni qisqartirish vazirligi, Moliya vazirligi, Markaziy bank hamda boshqa vazirlik va idoralarga taqdim etildi.

2022-yilning yanvar-dekabr, 2023-yilning yanvar-mart oylari yakunlari bo'yicha "O'zbekiston Respublikasining ijtimoiy-iqtisodiy holati" axborotnomasi (doklad) o'zbek, rus va ingliz tillarida chop etilib, O'zbekiston Respublikasi Prezidenti Administratsiyasi, Vazirlar Mahkamasi hamda tegishli vazirlik va idoralarga yuborildi.

Shu bilan birga, 2023-yil yanvar, yanvar-fevral, yanvar-aprel, yanvar-may uchun "O'zbekiston Respublikasining ijtimoiy-iqtisodiy holati" statistik risolasi 2 tilda (o'zbek, rus) chop etilib, belgilangan ro'yxat asosida O'zbekiston Respublikasi Prezidenti Administratsiyasi, Vazirlar Mahkamasi hamda tegishli vazirlik va idoralarga taqdim etildi.

Statistika dasturiga muvofiq bajarilgan ishlar natijalariga ko'ra shakllantirilgan ochiq statistika ma'lumotlari, axborotnomalar, to'plamlar, press-revizlar ko'rinishida hamda ommaviy axborot vositalari, rasmiy veb-saytlar va ijtimoiy tarmoqlar orqali muntazam ravishda milliy va xorijiy foydalanuvchilar e'tiboriga yetkazib berildi.

Xususan, Agentlikning ijtimoiy tarmoqlardagi rasmiy Telegram kanalida **6850 ta**, Facebook sahifasida **6850 ta** va Instagram sahifasida **270 ta** yangiliklar e'lon qilindi, Instagram roliklari Agentlikning Youtube kanalidagi rasmiy sahifasida joylashtirib borildi.

Shuningdek, **20 ta** infografika roliklari hamda statistika faoliyatiga oid **180 ta** lavhalar "O'zbekiston 24", "O'zbekiston", "O'zreport" telekanallarida doimiy tarzda efirga uzatilib kelinmoqda.

Statistika agentligi rasmiy veb-saytining "Rasmiy statistika" bo'limida makroiqtisodiy ko'rsatkichlar, milliy hisoblar, narx va indekslar, sanoat, qishloq xo'jaligi, aholi turmush darajasi va boshqa qator statistika yo'nalishlari bo'yicha **420 ta** statistika ma'lumotlari to'plamlari e'lon qilindi.

Xalq so'zi", "Народное слово", "Yangi O'zbekiston", "Правда Востока", "Iqtisodiy gazeta", "Birja", "Ishonch" va boshqa nashrlarda statistika ko'rsatkichlari aks etgan **20 ga yaqin** materiallar chop etildi.

Xalqaro statistika amaliyoti tavsiyalarini inobatga olgan holda, statistika sohasining turli yo'nalishlari bo'yicha 2023-yil yanvar-iyun oylarida **21 ta** yangi uslubiy qo'llanmalar ishlab chiqildi.

Statistika ma'lumotlari sifatini oshirish borasida hisobot topshiruvchi subyektlar o'rtasida profilaktika tadbirlari amalga oshirilmoqda. Jumladan, 2023-yil yanvar-iyun oylarida respublikaning barcha hududlarida **55,3 mingta** respondentlarga tushuntirishlar, **36,3 mingta** yangi tashkil etilgan respondentlar proflyaktika tadbirlari davomida qamrab olindi, **63,1 mingdan** ortiq bukletlar tarqatildi va **4815 marta** ommaviy axborot vositalarida chiqishlar tashkil etildi.

Ochiq ma'lumotlar portali faoliyatini takomillashtirish, ma'lumotlar sifatini oshirish va ko'lamini kengaytirish borasida amalga oshirilgan ishlar natijasida, portalda e'lon qilinayotgan ma'lumotlar to'plamlari soni **4 ming 500 dan** oshdi.

Jumladan, Statistika agentligi tomonidan portalda e'lon qilinayotgan statistika ma'lumotlari to'plamlari soni **2198 tani** tashkil qildi.

Statistika agentligi huzuridagi Kadrlar malakasini oshirish va statistik tadqiqotlar institutida tizim xodimlarini qayta tayyorlash va malakasini oshirish dasturiga asosan 2023-yil yanvar-iyun oylarida **10 ta** o'quv kurslarida **685 nafar** xodimlarning malakasi oshirildi.

Institut tomonidan 2023-yilda amalga oshiriladigan statistik tadqiqotlar dasturiga muvofiq, mart oyida **2 ta** tadqiqot ishi ishlab chiqildi.

Jumladan, "Bandlikni nostandart shakli va yangi turdagi mehnat faoliyatining statistik hisobini yuritish bo'yicha uslubiy tavsiyalar" tadqiqot ishi Demografiya va mehnat statistikasi boshqarmasiga, "O'zbekiston Respublikasi mahsulotlarining (tovarlar, ishlar, xizmatlarning) statistik tasniflagichi (MST) asosida sanoat ishlab chiqarishining texnologik rivojlanishi darajasini statistik baholashni takomillashtirish bo'yicha uslubiy tavsiyalar ishlab chiqish" tadqiqot ishi Sanoat statistikasi boshqarmasiga taqdim etildi.

Hozirda "Aholi turmush darajasining dezagregirlangan ko'rsatkichlarni olish uchun uy xo'jaliklarini tanlanma kuzatuvlari statistik amaliyotiga ilg'or uslublarni tatbiq etish bo'yicha uslubiy tavsiyalar" tadqiqot ishi bo'yicha ish olib borilmoqda.

Yuqoridagilar bilan bir qatorda, mazkur qaror doirasida "Ma'muriy ma'lumotlarni yetkazib beruvchilarning ma'lumotlar bazalarini Statistika agentligining axborot tizimiga integratsiya qilish va ma'lumotlarni taqdim etish reja-jadvali"da belgilangan ishlarni bajarilishi yuzasidan yanvar-iyun oylarida quyidagi ishlar amalga oshirildi:

Korxonalar va tashkilotlarning moliya-xo'jalik faoliyatining asosiy ko'rsatkichlari bo'yicha yillik ma'lumotlarni hamda korxonaning boshqa oylik

ma'lumotlarini (xodim soni, hisoblangan ish haqi va hokazo) integratsiya qilish orqali har oyda Statistika agentligiga taqdim etishni yo'lga qo'yish bo'yicha Iqtisodiyot va moliya vazirligi huzuridagi Soliq qo'mitasi bilan birgalikda texnologik yo'riqnoma imzolandi;

Tovarlar va xizmatlarning iste'mol narxlari to'g'risida onlayn nazorat-kassa tizimidagi ma'lumotlarni integratsiya qilish orqali har oyda Statistika agentligiga taqdim etishni yo'lga qo'yish bo'yicha Iqtisodiyot va moliya vazirligi huzuridagi Soliq qo'mitasi bilan birgalikda texnologik yo'riqnoma imzolandi;

"Onlayn mahalla" elektron platformasidagi qishloq xo'jaligiga oid ma'lumotlarni integratsiya qilish orqali taqdim etishni yo'lga qo'yish bo'yicha Kambag'allikni qisqartirish va bandlik vazirligi huzuridagi Mahallabay ishlash va tadbirkorlikni rivojlantirish agentligi bilan birgalikda integratsiya qilish bo'yicha texnologik yo'riqnoma loyihasi ishlab chiqilib kelishish jarayoni davom etmoqda;

E-ijara" elektron platformasidagi qishloq xo'jaligiga oid ma'lumotlarni integratsiya qilish orqali Statistika agentligiga taqdim etishni yo'lga qo'yish bo'yicha Qishloq xo'jaligi vazirligi bilan birgalikda texnologik yo'riqnoma imzolanib, ma'lumotlarni olish yo'lga qo'yildi;

Geoaxborot tizimidagi (qishloq xo'jaligi ekinlari ekilgan asosiy va takroriy maydonlar) ma'lumotlarni integratsiya qilish orqali Statistika agentligiga taqdim etishni yo'lga qo'yish bo'yicha Qishloq xo'jaligi vazirligi bilan birgalikda texnologik yo'riqnoma imzolanib, ma'lumotlarni olish yo'lga qo'yildi;

Xizmatlar eksporti va importi bo'yicha ma'lumotlar sifatini oshirish maqsadida "Tashqi savdo operatsiyalarining yagona elektron axborot tizimi" ma'lumotlarini integratsiya qilish orqali Statistika agentligiga taqdim etishni yo'lga qo'yish bo'yicha Investitsiyalar, sanoat va savdo vazirligi bilan birgalikda kelishuv imzolangan bo'lib, shu kelishuv asosida ma'lumot almashinuvi yo'lga qo'yildi;

Qurilish-montaj ishlarini bajarayotgan pudratchi va yordamchi pudratchilar, buyurtmachilar tomonidan oylik bajarilgan qurilish-montaj ishlari to'g'risidagi hamda qurilish faoliyatini amalga oshirayotgan korxonalar va tashkilotlarning o'z balansida mavjud bo'lgan qurilish mashina va mexanizmlari to'g'risidagi ma'lumotlarni integratsiya qilish orqali Statistika agentligiga taqdim etishni yo'lga qo'yish bo'yicha Qurilish va uy-joy kommunal xo'jaligi vazirligi bilan birgalikda texnologik yo'riqnoma imzolandi;

Maktabgacha ta'lim tashkiloti faoliyatining asosiy ko'rsatkichlari to'g'risidagi ma'lumotlarni integratsiya qilish orqali Statistika agentligiga taqdim etishni yo'lga qo'yish bo'yicha Maktabgacha va maktab ta'limi vazirligi huzuridagi Maktabgacha ta'lim agentligi bilan birgalikda texnologik yo'riqnoma imzolandi. Maktabgacha ta'lim agentligi tomonidan integratsiya moduli ishlab chiqilmoqda;

Tazyiq va zo‘ravonlik natijasida jabrlanganlar, shuningdek, tazyiq va zo‘ravonlik sodir etgan yoxud ularni sodir etishga moyil bo‘lgan shaxslar to‘g‘risidagi ma‘lumotlarni integratsiya qilish orqali Statistika agentligiga taqdim etishni yo‘lga qo‘yish bo‘yicha Ichki ishlar vazirligi bilan birgalikda texnologik yo‘riqnoma imzolanib, integratsiya orqali ma‘lumotlarni olish yo‘lga qo‘yildi;

Avtotransportda yo‘l-transport xodisalari, mavjud hamda yangi avtotransport vositalarini ro‘yxatdan o‘tkazish va avtotransport vositalari soni to‘g‘risidagi ma‘lumotlarni integratsiya qilish orqali Statistika agentligiga taqdim etishni yo‘lga qo‘yish bo‘yicha Ichki ishlar vazirligining Jamoat xavfsizligi departamenti bilan birgalikda texnologik yo‘riqnoma imzolandi;

Avtomobil transportida yo‘lovchilar va yuklarni tashish faoliyatini litsenziyalash to‘g‘risida va yo‘nalishlar bo‘yicha korxonalar va tashkilotlarning mavjud litsenziya kartochkalari to‘g‘risidagi ma‘lumotlarni integratsiya qilish orqali Statistika agentligiga taqdim etishni yo‘lga qo‘yish bo‘yicha Transport vazirligi bilan birgalikda texnologik yo‘riqnoma loyihasi ishlab chiqildi va kelishish jarayoni davom etmoqda;

Bojxona chegaralari orqali olib o‘tilgan yuklar (transport turlari bo‘yicha) hamda avtomobil transportida xalqaro yuk tashishlar to‘g‘risida ma‘lumotlarni integratsiya qilish orqali Statistika agentligiga taqdim etishni yo‘lga qo‘yish bo‘yicha Iqtisodiyot va moliya vazirligi huzuridagi Bojxona qo‘mitasi bilan birgalikda texnologik yo‘riqnoma imzolanib, integratsiya qilish orqali ma‘lumotlarni olish yo‘lga qo‘yildi.

O‘zbekiston Respublikasi Prezidentining 2020- yil 3- avgustdagi “O‘zbekiston Respublikasining milliy statistika tizimini yanada takomillashtirish va rivojlantirish chora-tadbirlari to‘g‘risida”gi PQ-4796-son qarori doirasida amalga oshirilgan ishlar.

Statistika agentligi har yili dekabr oyiga qadar mamlakatda milliy iqtisodiyot va ijtimoiy sohani isloh qilish jarayonlarining ishonchliligi hamda to‘liqligini inobatga olgan holda ishlab chiqilgan Statistika dasturini Jamoatchilik kengashiga kelishish uchun taqdim etib bormoqda.

Shuningdek, har yili 1-oktabrga qadar Statistika dasturining bajarilishi natijalari va statistika sohasida metodologiyani takomillashtirish hamda ishlarni tashkil etish borasida olib borilayotgan faoliyat samaradorligi to‘g‘risidagi hisobotni Statistika kengashiga kiritib bormoqda.

Ushbu qaror bilan tasdiqlangan 2020-2025- yillarda O‘zbekiston Respublikasi statistikasini rivojlantirishning milliy strategiyasini amalga oshirish bo‘yicha “Yo‘l xaritasi”ning 4-bandiga muvofiq ishlab chiqilgan Statistik ma‘lumotlarning universal modeli (GSIM) statistika amaliyotiga joriy qilingan.

Hozirgi kunda Milliy model umumiy tuzilmasidagi bosqich va jarayonlarni tavsiflovchi uslubiy qo'llanmani (GSBPM) va Statistika idoralari faoliyatini boshqarishning universal modelini (GAMSO) Statistika agentligining faoliyatiga bosqichma-bosqich joriy etish choralari ko'rilmoqda.

Shu o'rinda, 2023-yilning fevral-iyun oylarida agentlikning markaziy apparat boshqarmalari rahbarlari ishtirokida "Statistika faoliyatiga sifatni boshqarishning ilg'or tizimlarini (GSIM, GSBPM, GAMSO) joriy etish masalalariga bag'ishlangan seminarlar o'tkazildi.

Rasmiy statistika sohasida BMTning "Rasmiy statistikada sifatni ta'minlashning milliy tayanch prinsiplari bo'yicha qo'llanma"si (NQAF) talablari asosida sifatni boshqarish ishlarini tizimli tashkil etish maqsadida, **Sifat sohasidagi siyosati** ishlab chiqildi.

O'zbekiston Respublikasi Prezidentining 2022- yil 10- noyabrdagi "Hisobot taqdim etish va arxiv hujjatlarini saqlash tartib-taomillarini maqbullashtirish chora-tadbirlari to'g'risida"gi PQ-419-son qarori ijrosi doirasida bekor qilingan 9 ta statistika hisobotlaridagi ma'lumotlarni vazirlik va idoralarning ma'muriy ma'lumotlari asosida shakllantirilishini ta'minlash maqsadida **14 ta** vazirlik va idoralar tomonidan taqdim etiladigan ma'muriy ma'lumotlar ro'yxati, ularni bajarish davriyligi hamda muddatlari ko'rsatilgan holda **2023-yil uchun Statistika dasturiga** kiritilgan.

Bundan tashqari, 2023-yil uchun statistika hisoboti shakllarida quyidagi o'zgarishlar amalga oshirilgan. Jumladan:

4 ta hisobot shakllarini o'zaro birlashtirish, ma'muriy ma'lumotlarga o'tkazish va mavsumiyligini hisobga olgan holda bekor qilingan;

62 ta statistika hisoboti va ilovalaridagi (*jamiga nisbatan 55,4%*) ko'rsatkichlar sonini 2022- yilga nisbatan jami **3174** taga yoki **17,7%**ga qisqartirish orqali soddalashtirilgan;

47 ta (*jamiga nisbatan 46,9%*) hisobot shakllarining topshirish muddatlari maqbullashtirilgan.

Natijada, 2023- yil uchun **98 ta** (2022- yilda 110 ta) hisobot shakllari tasdiqlangan va Adliya vazirligidan davlat ro'yxatidan o'tkazilgan.

Yuqoridagilardan kelib chiqqan holda, Statistika agentligining tarmoq boshqarmalari tomonidan kelgusi yil uchun statistika kuzatuvlari loyihalarini tayyorlash yuzasidan xalqaro va milliy amaliyot keng tahlil qilinmoqda.

Tegishli vazirlik hamda idoralardan, shuningdek, respondentlardan statistika kuzatuvlarini takomillashtirish va yanada soddalashtirish bo'yicha taklif va mulohazalar olinmoqda.

Jamoatchilik kengashi yig'ilishi kun tartibidagi 2-masala yuzasidan kengash a'zolari qaror qiladi:

1. “2023-yil uchun Statistika dasturi” doirasida 2023- yil II chorak yakuni bo'yicha bajarilgan ishlar to'g'risida hisobot ma'lumot uchun qabul qilinsin.
2. Milliy statistika tizimini yanada rivojlantirish yuzasidan kelgusida bajarilishi lozim bo'lgan ishlar bo'yicha aniq rejalar ishlab chiqilsin.
3. Statistika dasturining bajarilishi va statistika sohasidagi metodologiyani takomillashtirish bo'yicha tegishli chora-tadbirlar ishlab chiqilsin.

III. Xalqaro hamkorlik va axborot almashinuvi hamda Milliy barqaror rivojlanish maqsadlari bo'yicha amalga oshirilayotgan ishlar bo'yicha Z. Ziyayevning hisoboti eshitildi.

Statistika agentligi tomonidan xalqaro tashkilotlar bilan sohani rivojlantirish, ilg'or tajribalar va zamonaviy uslubiy tavsiyalarni amaliyotga joriy etish yuzasidan yaqindan hamkorlik hamda mamlakat ko'rsatkichlarini xalqaro axborot bazalarida aks ettirish yuzasidan axborot almashinuvi aloqalari yo'lga qo'yilgan.

Xalqaro valyuta jamg'armasi (XVJ)ning kengaytirilgan Ma'lumotlarni tarqatishning umumiy tizimi (e-GDDS) doirasida **275 ta** indikator bo'yicha ma'lumotlar to'plamlari har oyda muntazam yangilab borilmoqda.

Bundan tashqari, XVJning kengaytirilgan Ma'lumotlarni tarqatishning umumiy tizimidan (e-GDDS) Ma'lumotlarni tarqatishning maxsus standartiga (SDDS) o'tish yuzasidan zarur tadbirlar amalga oshirilmoqda.

2023-yilning yanvar-iyun oylarida xalqaro tashkilotlarning **21 ta** savolnomalari, jumladan, BMT Statistika bo'limining **7 ta**, BMT ning Yevropa iqtisodiy komissiyasining **2 ta**, YUNESKO statistika institutining **3 ta**, Xalqaro Mehnat Tashkilotining **1 ta**, Xalqaro Elektroaloqa Ittifoqining **1 ta** va boshqa xalqaro tashkilotlarning **7 ta** savolnomalari to'ldirildi va taqdim etildi.

Bundan tashqari, **4 ta** xalqaro ma'lumotlar bazalaridagi, xususan, XVJning kengaytirilgan Ma'lumotlarni tarqatishning umumiy tizimi doirasida, MDH, “COMTRADE” va “TRANSMONEE” ma'lumotlar bazalarida O'zbekistonning statistika ko'rsatkichlari o'z vaqtida yangilandi.

Jumladan, tovarlar savdosi bo'yicha BMTning “COMTRADE” axborot bazasida **3 mingdan ortiq** tovar turlari bo'yicha O'zbekiston Respublikasi ma'lumotlarini har oyda yangilab borilishi ta'minlanmoqda.

Barqaror rivojlanish maqsadlari bo'yicha erishilgan natijalar.

O'zbekiston Respublikasi Vazirlar Mahkamasining 2022-yil 21-fevraldagi “2030- yilgacha bo'lgan davrda barqaror rivojlanish sohasidagi milliy maqsad va vazifalarni amalga oshirishni jadallashtirish bo'yicha qo'shimcha chora-tadbirlar to'g'risida” 83-son qarori qabul qilingan.

Ushbu qarorning 1-ilovasi bilan **2030-yilgacha bo'lgan davrda barqaror rivojlanish sohasidagi milliy maqsad va vazifalari** sifatida O'zbekiston uchun dolzarb hisoblangan **16** ta milliy maqsad va BRMning **126** ta milliy vazifalar ro'yxati tasdiqlangan.

Ma'lumot uchun: Global miqyosda 17 ta maqsad 169 ta vazifa va 232 ta indikator tasdiqlangan.

Shuningdek, mazkur qarorning 2-ilova bilan tasdiqlangan, 2022–2026-yillarda barqaror rivojlanish sohasidagi milliy maqsad va vazifalarga samarali erishish bo'yicha chora-tadbirlar rejasi ijrosini ta'minlash maqsadida, Statistika agentligi hamda Barqaror rivojlanish maqsadlarining milliy indikatorlari bo'yicha idoralararo ishchi guruhi tomonidan quyidagi ishlar amalga oshirildi:

– MBRMning raqamlarda aks etuvchi jami **77** ta indikator bo'yicha 2022-yildan 2030-yilgacha bo'lgan davrlar uchun dastlabki maqsadli ko'rsatkichlari shakllantirilib, 2030-yilgacha bo'lgan davrda barqaror rivojlanish sohasidagi milliy maqsad va vazifalarni amalga oshirish bo'yicha muvofiqlashtiruvchi kengashga tasdiqlash uchun kiritildi va Kengash tomonidan tasdiqlandi.

– Birlashgan Millatlar Tashkiloti Taraqqiyot dasturining O'zbekistondagi vakolatxonasi mas'ullari bilan hamkorlikda, Bangkok (Tayland) shahrida joylashgan Osiyo va Tinch okeani iqtisodiy va ijtimoiy komissiyasi (ESCATO)ning SDG Tracker platformasini yuritilishiga mas'ul bo'lgan xalqaro ekspertlari bilan aloqalar o'rnatilib, videokonferensaloqa orqali masofaviy tarzda uchrashuvlar tashkil etildi.

Uchrashuvlar natijalariga ko'ra, SDG Tracker platformasida O'zbekiston Respublikasi sahifasi ochildi hamda O'zbekiston Respublikasining milliy barqaror rivojlanish maqsadlari indikatorlari yuritilishi amaliyoti joriy etildi.

– Statistika agentligi, manfaatdor vazirlik va idoralar bilan hamkorlikda **10** ta indikator global ko'rsatkichlar tizimida mavjud emasligini inobatga olgan holda Milliy BRM indikatorlari ro'yxatidan chiqarib tashlash, shuningdek, BMT Statistika Komissiyasi tomonidan tavsiya etilgan BRM global indikatorlari tizimi asosida **35** ta Milliy BRM indikatorlarni qayta ko'rib chiqish va BMT Statistika Komissiyasi tomonidan tavsiya etilgan global indikator matni asosida Milliy BRM indikatorlarini qabul qilish taklifi Kengashga kiritildi.

– Statistika agentligi tomonidan umumlashtirilgan 2030-yilgacha bo'lgan maqsadli ko'rsatkichlari (**77** ta indikator) Kengashning 1-son qarori bilan 1-ilovaga muvofiq tasdiqlandi.

– global indikatorlar ro'yxatida mavjud bo'lmagan (**10** ta indikator) Milliy BRM indikatorlarni tegishli tartibda 2-ilovaga muvofiq chiqarib tashlandi.

– global indikatorlar tizimidan kelib chiqqan holda Milliy BRM indikatorlar ro'yxatiga (**35** ta indikator) 3-ilovaga muvofiq tegishli tartibda qo'shimcha o'zgartirishlar kiritildi.

– O'zbekiston uchun dolzarb hisoblangan Milliy BRM indikatorlar ro'yxati (190 ta indikator) 4-ilovaga muvofiq tasdiqlandi.

*Ma'lumot uchun: Tasdiqlangan **190** ta milliy BRM indikatorlarining **152 tasi** global BRM indikatorlari bilan to'liq mos keladi, **28 tasi** proksi indikator va **10 tasi** milliy indikator hisoblanadi.*

Statistika agentligi tomonidan manfaatdor vazirlik va idoralar bilan hamkorlikda **126** ta Milliy BRM indikatorlari bo'yicha ma'lumotlar shakllantirilib Milliy BRM veb-sayti (www.nsdg.stat.uz)ga joylashtirildi.

Statistika agentligi tomonidan O'zbekiston Respublikasida Milliy barqaror rivojlanish maqsadlariga erishish bo'yicha yillik statistik to'plami o'zbek, rus va ingliz tillarida 2019-yildan boshlab har yili nashr etilib vazirlik va idoralar hamda O'zbekiston Respublikasida faoliyat yuritayotgan xalqaro tashkilotlarga taqdim etib borilmoqda, shuningdek, ushbu to'planning elektron shakli <http://nsdg.stat.uz> veb saytiga joylashtirib kelinmoqda. Milliy BRM bo'yicha statistik to'planning ingliz tilidagi shakli BMTning Yevropa iqtisodiy komissiyasi rasmiy veb-saytida MDH davlatlari orasida birinchi bo'lib e'lon qilindi.

Barqaror rivojlanish maqsadlari indikatorlari sifatini ta'minlashda, Birlashgan Millatlar Tashkilotining rasmiy statistika sifatini ta'minlashning milliy asosiy tamoyillariga muvofiq amalga oshirib, xalqaro tavsiyalar asosida takomillashtirib borilmoqda.

Birlashgan Millatlar Tashkilotining Statistika bo'limining veb sahifasida Barqaror rivojlanish maqsadlari bo'yicha ilg'or tajribalarga ega davlatlarning ushbu sohada amalga oshirayotgan ishlari yoritib boriladi.

2022-yil yakuniga ko'ra, **87** ta eng ilg'or tajribalar ega davlatlar qatoridan O'zbekiston Respublikasi ham joy oldi va mamalakatimizda Barqaror rivojlanish maqsadlariga erishishni kuzatib borish va jamoatchilikni xabardor qilish borasida amalga oshirilayotgan ishlar to'g'risida ma'lumot e'lon qilingan.

Barqaror rivojlanish maqsadlari bo'yicha erishilgan natijalarni kuzatib borish va ushbu sohada mamlakatdagi mavjud vaziyat to'g'risida dolzarb ma'lumotlarni foydalanuvchilarga taqdim etish maqsadida, 2019-yil Birlashgan Millatlar Tashkiloti Taraqqiyot dasturining texnik ko'magi bilan O'zbekiston Respublikasida Milliy barqaror rivojlanish maqsadlari ko'rsatkichlari bo'yicha veb-sayt (<https://nsdg.stat.uz/>) ishlab chiqilgan.

Milliy barqaror rivojlanish maqsadlari veb-sayti O'zbekistonning barqaror rivojlanish maqsadlari bo'yicha yutuqlarni tahlil qilish va kuzatishda milliy va xalqaro foydalanuvchilar uchun yagona va ishonchli ma'lumotlar manbai hisoblanadi.

Veb-sayt o'zbek, rus va ingliz tillarida yuritiladi. Veb-sayt MDH mamlakatlari orasida ilg'or amaliyotning ajoyib namunasi va Birlashgan Millatlar Tashkiloti tizimi bilan muvaffaqiyatli hamkorlik natijasi sifatida e'tirof etildi.

Bundan tashqari, Statistika agentligi tomonidan, 2018, 2019, 2020 va 2021-yillarga mo'ljallangan "O'zbekiston Respublikasida Milliy BRMLarga erishish bo'yicha statistik ko'rsatkichlar to'plamlari" uch tilda (rus, o'zbek va ingliz tillarida tayyorlangan va nashr etilgan).

Shu bilan birga, Statistika agentligi barqaror rivojlanish maqsadlariga erishish yo'lidagi milliy taraqqiyotni o'lchash va mamlakat o'z milliy ma'lumotlari hamda ko'rsatkichlaridan foydalanishi uchun taraqqiyot to'g'risida siyosiy jihatdan hisobot berish uchun mo'ljallangan yangi ESKATO-BRM vositasi "SDG Tracker"ni joriy etdi, shuningdek, foydalanuvchilarga qulay boshqaruv paneli yaratildi.

Hozirda mavjud ma'lumotlarni BRM "SDG Tracker" boshqaruv paneliga kiritish bo'yicha ishlar olib borilmoqda.

Qishloq xo'jaligida ro'yxatdan o'tkazish tadbirlarini tashkil etish.

O'zbekiston Respublikasi Prezidentining 2020-yil 2-martdagi "2017-2021-yillarda O'zbekiston Respublikasini rivojlantirishning beshta ustuvor yo'nalishi bo'yicha Harakatlar strategiyasini "Ilm, ma'rifat va raqamli iqtisodiyotni rivojlantirish yili"da amalga oshirishga oid davlat dasturi to'g'risida"gi PF-5953-son Farmonining 82-bandida nazarda tutilgan.

Vazirlar Mahkamasining 2021-yil 26-fevraldagi "Qishloq xo'jaligi sohasida statistik ma'lumotlar bazasini kengaytirish va takomillashtirish chora-tadbirlar to'g'risida" 104-son hamda 2022-yil 19- apreldagi "O'zbekiston Respublikasida sinov tariqasida qishloq xo'jaligi sohasida ro'yxatdan o'tkazish ishlariga tayyorgarlik ko'rish va ularni amalga oshirish chora-tadbirlari to'g'risida" 197-son qarorlari qabul qilingan.

Qishloq xo'jaligida ro'yxatdan o'tkazish tadbirlarini tashkil etish masalalarida 2023 yil yanvar-iyun oylarida quyidagi ishlar amalga oshirildi:

O'zbekiston Respublikasida 2025-yilda qishloq xo'jaligi sohasida ro'yxatdan o'tkazish chora-tadbirlari to'g'risidagi Vazirlar Mahkamasi qarori loyihasi ishlab chiqilgan.

Mazkur loyiha normativ-huquqiy hujjatlar loyihasini ishlab chiqish va kelishishning yagona elektron tizimi (project.gov.uz) orqali 2022-yil 1-dekabr kuni ID-72414-son bilan manfaatdor vazirlik va idoralar hamda Qoraqalpog'iston Respublikasi Vazirlar Kengashi, viloyatlar, Toshkent shahar hokimliklariga idoraviy kelishuv uchun yuborilgan.

Qonunchilik talablariga muvofiq, 2022-yil 22-dekabrda qaror loyihasi normativ-huquqiy hujjatlar loyihalari muhokamasi portaliga (regulation.gov.uz) jamoatchilik muhokamasi uchun (ID-73906) joylashtirilgan.

Vazirlik va idoralardan berilgan taklif va e'tirozlar ko'rib chiqildi, o'rinli deb topilgan takliflar asosida loyihaga tegishli o'zgartirishlar kiritilgan.

Loyihani huquqiy ekspertizadan o'tkazish uchun 2023-yil 11-yanvarda O'zbekiston Respublikasi Adliya vazirligiga taqdim etilgan.

Adliya vazirligi tomonidan loyiha yuzasidan 2023-yil 16 yanvarda taqdim etilgan javob xatida Moliya vazirligi bilan qayta kelishish bayon etilganligi sababli, 2023-yil 18-yanvarda loyiha normativ-huquqiy hujjatlar loyihasini ishlab chiqish va kelishishning yagona elektron tizimi (project.gov.uz) orqali idoraviy kelishuv uchun Moliya vazirligiga qayta kiritilgan.

2023-yil 14-fevralda Moliya vazirligi tomonidan loyihaga berilgan taklif va e'tirozlar ko'rib chiqildi, o'rinli deb topilgan takliflar asosida loyihaga tegishli o'zgartirishlar kiritildi hamda 2023-yil 18- fevralda Moliya vazirligiga yuborilgan.

Xalqaro amaliyotda, xalqaro tashkilotlar, jumladan, Birlashgan Millatlar Tashkilotining Oziq-ovqat va qishloq xo'jaligi tashkiloti (FAO) tavsiyalari asosida dunyoning ko'plab davlatlari tomonidan aholini ro'yxatga olish tadbiridan so'ng, qishloq xo'jaligi sohasida ro'yxatdan o'tkazish amaliyoti joriy etilgan.

Shu munosabat bilan, O'zbekiston Respublikasida aholini ro'yxatga olishni o'tkazish muddatiga aniqlik kiritilgandan so'ng, O'zbekiston Respublikasida qishloq xo'jaligi sohasida ro'yxatdan o'tkazishni nazarda tutuvchi normativ-huquqiy hujjat loyihasini ishlab chiqish masalasini ko'rib chiqish yuzasidan O'zbekiston Respublikasi Prezidenti Administratsiyasi hamda Vazirlar Mahkamasiga Statistika agentligining 2023-yil 20-fevraldagi rasmiy xatlari yuborilgan.

**Jamoatchilik kengashi yig'ilishi kun tartibidagi 3-masala yuzasidan
kengash a'zolari qaror qiladi:**

1. Z. Ziyayevning xalqaro hamkorlik va axborot almashinuvi bo'yicha amalga oshirilgan ishlar haqidagi hisoboti ma'lumot uchun qabul qilinsin.
2. Barqaror rivojlanish sohasidagi milliy maqsad va vazifalarni amalga oshirish yo'nalishida amalga oshirilgan ishlar ma'lumot uchun qabul qilinsin.
3. Qishloq xo'jaligi sohasida ro'yxatdan o'tkazish tadbirlarini tashkil etish bo'yicha tashkil etilayotgan chora-tadbirlarni jamoatchilikka yetkazish hamda OAVda keng yoritish ishlari tashkil etilsin.

IV. Aholini ro'yxatga olish ishlariga tayyorgarlik ko'rish va ularni amalga oshirish bo'yicha Ro'yxatga olish jarayonlarini tashkil etish va o'tkazish boshqarmasi boshlig'i Berdiqulov Qobil G'ulamovich ma'lumot berdi.

Jamoatchilik kengashi yig'ilishida to'rtinchi masala yuzasidan Ro'yxatga olish jarayonlarini tashkil etish va o'tkazish boshqarmasi boshlig'i Berdiqulov Qobil G'ulomovich batafsil to'xtalib o'tdi.

“Aholini ro'yxatga olish to'g'risida”gi O'zbekiston Respublikasining Qonuni, O'zbekiston Respublikasi Prezidentining 2019-yil 5-fevraldagi “O'zbekiston Respublikasida 2022-yilda aholini ro'yxatga olishni o'tkazish konsepsiyasini tasdiqlash to'g'risida”gi PF-5655-son Farmoni va Vazirlar Mahkamasining “O'zbekiston Respublikasida 2023-yilda aholini ro'yxatga olishga tayyorgarlik ko'rish va uni o'tkazish chora-tadbirlari to'g'risida” 2020-yil 11-noyabrdagi 710-son qarorida belgilangan vazifalar ijrosini ta'minlash va aholini ro'yxatga olishga puxta tayyorgarlik ko'rish maqsadida 2023-yil yanvar-iyun oylarida quyidagi ishlar amalga oshirildi.

O'zbekiston Respublikasi Prezidentining Oliy Majlis va O'zbekiston xalqiga Murojaatnomasida raqamlashtirish bo'yicha berilgan topshiriqlarga muvofiq, aholini ro'yxatga olishni **2024-** yilda Internet tarmog'i orqali va planshet qurilmalaridan foydalangan holda o'tkazish yuzasidan O'zbekiston Respublikasi Prezidenti huzuridagi Strategik islohotlar agentligiga takliflar kiritildi.

2021-yil noyabr oyida o'tkazilgan sinov tariqasida aholini ro'yxatga olish natijalari va xalqaro ekspertlarning taklif va tavsiyalari asosida quyidagi normativ va uslubiy hujjatlarni takomillashtirish bo'yicha hujjat loyihalari tayyorlandi:

- O'zbekiston Respublikasida 2024-yilda aholini ro'yxatga olishga tayyorgarlik ko'rish va uni o'tkazish tartibi to'g'risida **nizom**;

- O'zbekiston Respublikasida 2024-yilda aholini ro'yxatga olishning tuman va shaharlar bo'yicha tashkiliy rejasini tuzish **tartibi**;

- O'zbekiston Respublikasida 2024-yilda aholini ro'yxatga olishning dasturi va O'zbekiston Respublikasida 2024-yilda aholini ro'yxatga olishning savolnoma **varag'i shakllari**;

- O'zbekiston Respublikasida 2024-yilda aholini ro'yxatga olish varag'i shakllarini to'ldirish bo'yicha **yo'riqnoma**;

- Planshet qurilmalari yordamida aholini ro'yxatga olish bo'yicha **qo'llanma**;

- O'zbekiston Respublikasida 2024-yilda aholini ro'yxatga olish jarayonlariga jismoniy va yuridik shaxslarni jalb etish va ularga haq to'lash tartibi to'g'risida **nizom**.

Aholini ro'yxatga olish savolnomlarini aholi uchun yanada tushunarli va sodda bo'lishini ta'minlash maqsadida sinov jarayonlarida aholi tomonidan

savolnomalardagi ayrim savollarga bildirilgan e'tiroz va takliflar hamda sinov jarayonlarida kuzatuvchi sifatida ishtirok etgan xalqaro ekspertlarning tavsiyalari asosida **savolnomalar takomillashtirildi**.

Jumladan, **1-shakl** "Turar joyning xususiyatlari va unda yashovchilar ro'yxati" savolnomasidagi uzoq vaqt foydalanadigan vositalar ro'yxati maqbullashtirildi (yengil avtomobil, yuk avtomobili, mikroavtobus, traktor, mototsikl, skuter, moped, mobil telefon savollari savolnoma tarkibidan chiqarildi). **2-shakl** "Shaxsga oid savolnoma"sidagi bir oydagi daromadingiz qancha, sport bilan shug'ullanasizmi kabi savollar savolnoma shaklidan chiqarilib, soddalashtirildi.

Shuningdek, "Aholini ro'yxatga olish" **axborot tizimi** 2021-yil noyabr oyida sinov tariqasida aholini ro'yxatga olish jarayonlarida sinovdan o'tkazildi. Sinov jarayonlarida aniqlangan kamchiliklar va muammolardan kelib chiqib, xalqaro ekspertlarning tavsiyalari asosida mazkur axborot tizimini takomillashtirish ishlari davom ettirilmoqda.

Jumladan, Internet tarmog'i orqali ro'yxatdan o'tish jarayonlari soddalashtirilmoqda, elektron savolnomalarni aholi uchun yanada sodda va tushunarli bo'lishini ta'minlash maqsadida har bir savolga izohlar kiritilmoqda. Shuningdek, mazkur axborot tizimida Internet tarmog'i orqali ro'yxatdan aholi to'g'risida tezkor ro'yxat shakllantirish va ushbu ro'yxatlarni ro'yxatga oluvchi xodimlarning planshet qurilmalariga elektron shaklda yetkazishni ta'minlovchi alohida funktsiya yaratilmoqda.

Mahalla xaritalariga tegishli o'zgartirishlarni kiritish va yangilab borish maqsadida kadastr organlari bilan doimiy ravishda tizimli ishlar olib borilmoqda.

Jumladan, Qoraqalpog'iston Respublikasida **424** ta, Andijon viloyatida **889** ta, Buxoro viloyatida **544** ta, Jizzax viloyatida **301** ta, Qashqadaryo viloyatida **802** ta, Navoiy viloyatida **330** ta, Namangan viloyatida **792** ta, Samarqand viloyatida **1126** ta, Surxondaryo viloyatida **721** ta, Sirdaryo viloyatida **237** ta, Toshkent viloyatida **1020** ta, Farg'ona viloyatida **1062** ta, Xorazm viloyatida **530** ta, Toshkent shahrida **579** ta mahalla xaritalari bo'yicha hududlarda bo'layotgan o'zgarishlarni hisobga olgan holda yangilab borish ishlari amalga oshirilmoqda.

Shuningdek, O'zbekiston Respublikasi Raqamli texnologiyalar vazirligi huzuridagi Kosmik tadqiqotlar va texnologiyalar agentligining 2023-yil 24-martdagi 03/183-son xatiga asosan Agentlikning 2023-yil 31-martdagi 01/3-20-13/2-12-son xati bilan aholini ro'yxatga olish tadbirini **geoaxborot tizimlaridan**

(GAT) keng foydalangan holda tashkil etish rejalashtirilayotgani va kelgusida geoaxborot tizimlaridan foydalanish zarurligi haqida taklif bildirildi.

Shu maqsadda Kadastr agentligi bilan hamkorlikda aholi punktlarining sxematik rejasi va xaritalarini GAT dasturida shakllantirish maqsadida elektron ma'lumotlar bazasi yaratilmoqda. Hozirgi kunda barcha hududlarda GAT dasturi uchun ma'lumotlar kiritilishi davom etmoqda.

2023-yil 20-aprel kuni BMT Aholishunoslik jamg'armasining O'zbekistondagi vakolatxonasi bilan hamkorlikda Buyuk Britaniyaning soha bo'yicha mutaxassisi janob Sarchil Qader bilan videokonferensaloqa ko'rinishida uchrashuv tashkil etilib, aholini ro'yxatga olishda hududlarni **GAT texnologiyalaridan foydalangan holda uchastkalariga bo'lish va ma'lumotlarni planshet qurilmalariga yuklash** masalalari muhokama qilindi.

Chinoz tumani misolida mahalla xaritalari GAT tizimida Mutaxassis tomonidan hisob uchastkalariga ajratib chiqilib, Agentlik mutaxassislari tomonidan mazkur ma'lumotlarni **o'rganib chiqilmoqda**.

Shuningdek, **2023-yil 31-may** kuni janob Sarchil Qader bilan videokonferensaloqa ko'rinishida navbatdagi uchrashuv tashkil etilib, unda aholini ro'yxatga olishda hududlarni GAT texnologiyalaridan foydalangan holda Chinoz tumani misolida mahalla xaritalarini uchastkalariga bo'lib chiqish natijalarini to'g'riligini va berilgan o'rtacha yuklamalarga mosligini aniqlash hamda bo'lish jarayonida **uchraydigan muammolar muhokama qilindi**.

Bundan tashqari, **2023-yilning 8-12-may** kunlari Qozog'iston Respublikasining Olmaota shahrida Birlashgan Millatlar Tashkilotining Statistika bo'limi BMT-Habitat bilan hamkorlikda va Yevropa Komissiyasi tomonidan **urbanizatsiya darajasini baholash** metodologiyasini amalga oshirish bo'yicha mintaqaviy seminar tashkil etilib, unda Agentlikning Ro'yxatga olish jarayonlarini tashkil etish va o'tkazish boshqarmasi bosh mutaxassisi S.Guseynov hamda Axborot-kommunikatsiya texnologiyalarini rivojlantirish va axborotlashtirish interaktiv davlat xizmatlari boshqarmasi bosh mutaxassisi Z.Toymasov ishtirok etishdi.

Seminarda urbanizatsiya darajasini baholash metodologiyasini joriy etish, shaharlar va qishloq joylarini ilmiy asosda bo'lib chiqish, shuningdek, GAT texnologiyalaridan foydalangan holda aholini ro'yxatga olishning ro'yxatga olish va hisob uchastkalariga bo'lish usullarini qo'llash, bundan tashqari, aholini ro'yxatga olish natijalarini e'lon qilishda GAT texnologiyalaridan foydalanish masalalari bo'yicha **o'quv-mashg'ulotlar bo'lib o'tdi**.

Seminarda olingan bilimlar asosida GAT texnologiyalarini aholini ro'yxatga olish jarayonlarida qo'llash bo'yicha mutaxassislar tomonidan ishlar olib borilmoqda.

O'zbekiston Respublikasi Prezidentining farmoni bilan tasdiqlangan 2022-2026-yillarga mo'ljallangan Yangi O'zbekistonning taraqqiyot strategiyasini "Insonga e'tibor va sifatli ta'lim yili"da amalga oshirishga oid davlat dasturida ko'rsatilgan asosiy vazifalar ijrosini ta'minlash maqsadida, aholi o'rtasida ro'yxatga olish tadbirini nechog'lik muhimligi va uni o'tkazishga fuqarolarning o'zlari ham qatnashish imkoniyatiga ega ekanligi to'g'risida **targ'ibot-tashviqot ishlari** olib borilmoqda.

Shu maqsadida, statistika organlari tomonidan ommaviy axborot vositalarida, jumladan, gazeta va jurnallarda **48** ta maqola va tezislar chop etildi, turli rasmiy veb-saytlarda **87** tadan ortiq maqolalar, topiklar va yangiliklar joylashtirildi. Shuningdek, **32** ta oliy o'quv yurtlarida va **44** ta maktablarda davra suhbatlari tashkil etildi.

Bulardan tashqari, hududlarda raqamlanmagan uy va xonadonlar hamda nomi o'zgargan ko'chalarga yangi nom belgilarini o'rnatish bo'yicha mahalla raislari va faollari bilan joyiga chiqqan holda o'rganilib, haftalik ma'lumotlar shakllantirib borilmoqda. Registratorlar tomonidan o'rganishlar natijasida aniqlangan jami **1,2** mln. ta raqamsiz uylardan **576,8** mingta uylar joyiga chiqib o'rganildi. O'rganish natijasida **142,3** ming ta uylar raqamlangani (jami o'rganilgan uylarning **24,7** foizi) ma'lum bo'ldi. Raqamlanmasdan qolayotgan **434,5** ming ta uylar ro'yxati mahalliy hokimliklarga ma'lumot uchun kiritilib, ularni raqamlash ishlarini tezlashtirish yuzasidan topshiriq xatlari chiqarildi.

Joriy yilning **22-23-may** kunlari Qozog'iston Respublikasining Olmaota shahrida "Aholini ro'yxatga olish: muammolar va imkoniyatlar" mavzusidagi **xalqaro forum** bo'lib o'tdi. Mazkur forumda O'zbekiston Respublikasi Prezidenti huzuridagi Statistika agentligi direktori o'rinbosari Z. Ziyayev va Statistika agentligining Ro'yxatga olish jarayonlarini tashkil etish va o'tkazish boshqarmasi boshlig'i Q. Berdiqulov ishtirok etdi.

Forumda ta'kidlandiki, MDH davrlarining deyarli barchasi tomonidan aholini ro'yxatga olishni zamonaviy axborot-kommunikatsiya texnologiyalaridan (**Internet tarmog'i orqali, planshet qurilmalari, mobil smartfonlar**) keng foydalangan holda elektron shaklda o'tkazilgan. Birgina Ozarbayjon Respublikasi aholini ro'yxatga olishda qog'oz usulidan foydalangan. Moldova Respublikasida aholini ro'yxatga olishni o'tkazish 2024-yilda rejalashtirilgan.

Aholini ro'yxatga olishni o'tkazgan barcha davlatlar tomonidan aholini ro'yxatga olishni elektron shaklda o'tkazish tashkiliy, iqtisodiy va eng asosiysi sifat jihatdan **samarali ekanligi ta'kidlandi.**

Shuningdek, mazkur forumda O'zbekiston Respublikasida aholini ro'yxatga olishga ko'rilayotgan tayyorgarlik ishlari, jumladan, 2021-yilda o'tkazilgan sinov tariqasida aholini ro'yxatga olish natijalari, aniqlangan kamchiliklar, xulosalar va kelgusida amalga oshiriladigan ustuvor vazifalar to'g'risida **taqdimot qilindi.**

Taqdimot yakuniga ko'ra, forum ishtirokchilari tomonidan O'zbekistonda sinov tariqasida aholini ro'yxatga olish jarayonlari haqida savollar berildi va sinov bosqichi xalqaro talablarga mos ravishda muvaffaqiyatli o'tkazilganligi alohida **e'tirof etildi.**

O'z o'rnida, ushbu sessiya muhokamasida BMTning Yevropa iqtisodiy komissiyasi va MDH Davlatlararo statistika qo'mitasi tomonidan aholini ro'yxatga olishning 2020-yil raundi 2024-yilda tugashini inobatga olib, O'zbekiston Respublikasiga **2024-yildan kechiktirmasdan aholini ro'yxatga olishni o'tkazish tavsiya etildi.**

Jamoatchilik kengashi yig'ilishi kun tartibidagi 4-masala yuzasidan kengash a'zolari qaror qiladi:

1. Aholini ro'yxatga olish ishlariga tayyorgarlik bo'yicha amalga oshirilayotgan ishlar bo'yicha Ro'yxatga olish jarayonlarini tashkil etish va o'tkazish boshqarmasi boshlig'i Berdiqulov Qobil G'ulomovichning hisoboti ma'lumot uchun qabul qilinsin.

2. Aholini ro'yxatga olish ishlariga puxta tayyorgarlik ko'rish samaradorligini oshirish hamda mazkur jarayonlardan keng jamoatchilikni xabardor qilish bo'yicha aniq chora-tadbirlar rejasi ishlab chiqilsin.

3. Aholini ro'yxatga olish ishlariga tayyorgarlik ko'rish bo'yicha ishlab chiqilayotgan chora-tadbirlarni amaliyotga joriy etish, turli tadbir va o'quv kurslarini tashkil etish masalasi nazoratga olinsin.

V. Statistika agentligi faoliyatida korrupsiyaga qarshi kurashish sohasida olib borilayotgan ishlar holati tahlili.

Yig'ilishda Statistika agentligi tizimida 2023-yilning II choragi davomida korrupsiyaga qarshi kurashish tizimining faoliyati to'g'risida Korrupsiyaga qarshi ichki nazorat xizmati boshlig'i Melikmurotov Botir Nabijonovich atroflicha ma'lumot berib o'tdi.

Dastlab B. Melikmurotov, Agentlik va uning quyi tuzilmalarida Korrupsiyaga qarshi chora-tadbirlar dasturi doirasida bajarilgan ishlar to'g'risida umumiy axborot berib o'tdi.

Xususan, Agentlik va hududiy quyi tuzilmalarida korrupsiyaga qarshi kurashish tadbirlari har chorak davomida doimiy ravishda o'tkazilib kelinmoqda. 2023-yilning **II choragi davomida** tizimda korrupsiyaviy holatlarning oldini olish va xodimlar o'rtasida ushbu illatga nisbatan murosasiz ko'nikmalarni shakllantirish maqsadida Agentlikning markaziy apparati va hududiy statistika organlarida 88 ta targ'ibot va tashviqot tadbirlari o'tkazilganligini ta'kidlab o'tdi.

Siyosat va tartib-taomillar.

Agentlikning 2021- yil 29- dekabrda **127-son buyrug'i** bilan Korrupsiyaga qarshi ichki nazorat xizmati tomonidan (siyosatlar, reglamentlar, standartlar, yo'riqnomalar va nizom) ichki idoraviy hujjatlar tasdiqlanib, ushbu talablarga asosan bir qator ishlar amalga oshirilib kelinmoqda.

Xavf-xatarlarni baholash.

Markaziy apparat va hududiy statistika boshqarmalarida 2022-yilda xavf-xatarlarni baholashga oid "Davlat statistika qo'mitasi, hududiy statistika organlarida korrupsiyaviy xavf-xatarlarni baholash uslubiyotiga 1-ilova" **korrupsiyaviy xavf-xatarlar xaritasi**, "Davlat statistika qo'mitasi, hududiy statistika organlarida korrupsiyaviy xavf-xatarlarni baholash uslubiyotiga 2-ilova" **Korrupsiya xavf-xatariga eng ko'p moyil bo'lgan lavozimlar RO'YXATI**, "Davlat statistika qo'mitasi, hududiy statistika organlarida korrupsiyaviy xavf-xatarlarni baholash uslubiyotiga 3-ilova" **Statistika agentligi va uning hududiy statistika organlari korrupsiyaga qarshi kurashish dasturi** kabi ilovalar markaziy apparat va hududiy statistika organlar tomonidan baholab to'ldirilgan hamda chora-tadbirlar ishlab chiqilgan. Joriy yilning II choragi davomida ushbu yo'nalishda amalga oshirilgan ishlarning natijalari O'zbekiston Respublikasi Korrupsiyaga qarshi kurashish agentligining "e-anticor.uz" platformasiga joylashtirildi.

Amalga oshiriladigan korrupsiyaga qarshi kurashish tartib-taomillari, manfaatlar to'qnashuvini tartibga solish.

Agentlikning 2021- yil 29-dekabrda **127-son buyrug'i** 3-ilovasi bilan "Manfaatlar to'qnashuvini boshqarish bo'yicha Nizom" tasdiqlangan. Nizomga asosan, Hududiy statistika boshqarmalarida deklaratsiya Kadrlar boshqarmasi tomonidan xodimlarga tanishtirilib, imzolangan holda tegishli yig'ma jildga tikilgan. Markaziy apparat xodimlari o'rtasida jami 20 ga yaqin qarindoshligi bor holatlar aniqlandi, ulardan hech biri bevosita bo'ysunish holati kuzatilmaganligi sababli ularga tushuntirish ishlari berildi.

Manfaatlar to'qnashuvini markaziy apparat va hududiy statistika organlari xodimlari manfaatlar to'qnashuvining yillik deklaratsiyasi tartib-taomillaridan o'tdi. Hududiy statistika xodimlarining manfaatlar to'qnashuvi bo'yicha ishlar to'liq yakuniga yetmaganligi sababli, manfaatlar to'qnashuvi to'grisida ma'lumotlar keyingi chorak hisobotlarida aks ettirilishini ma'lum qilamiz.

Shuningdek 2023-yilning II choragida hududiy statistika organlari kesimida manfaatlar to'qnashuvining yillik deklaratsiyasi tartib-taomillari, Korrupsiyaga

qarshi ichki nazorat xizmati tomonidan qilingan ishlar to'g'risida ma'lumotlar to'plandi.

Agentlikning 2023-yil 20-iyundagi 37-son buyrug'iga asosan, xodimlarning tashabbusi bilan korrupsiyaviy omillarga nisbatan murosasiz munosabatini bildirib, shu kunning o'zida rahbariyat nomiga bildirishnoma bilan yoki og'zaki ravishda murojaat qilganligi yuzasidan rag'batlantirish reglamenti tasdiqlandi va amaliyotga joriy etildi.

Korrupsiyaga qarshi shartlarni Agentlik bilan tuziladigan barcha shartnomalarga kiritish.

Korrupsiyaga qarshi kurashishda Agentlik va boshqa xo'jalik yurituvchi subektlar o'rtasida tuziladigan shartnomalarga o'zgartirish kiritish bo'yicha samarali ishlar amalga oshirildi. Masalan, xodimlarni ishga qabul qilishda mehnat shartnomalariga hamda korxon va tashkilotlar bilan tuziladigan konsalting shartnomalariga korrupsiyaga oid alohida band qo'shildi hamda amaliyotga tadbiiq etildi. Shu jumladan, markaziy apparatda kontragentlar bilan tuziladigan shrtnomalar va ular to'g'risidagi ma'lumotlar tahlil qilindi. Kontragentlarning korrupsiyaga qarshi qoidalarini shartnomalarga kiritish bo'yicha taklif berildi.

Agentlik va hududiy statistika organlari kesimida tashkilot tizimida kontragent tomonidan korrupsiyaga qarshi qoidalar buzilishi sababli shartnomalarni bekor qilish bo'yicha tahliliiy ma'lumotlar II chorakda aniqlanmadi.

Ishga nomzodlarni tekshirish.

Agentlik tizimiga ishga kirish uchun nomzodlar: markaziy apparat va hududiy statistika tizimiga ishga kirish uchun (<https://vacancy.argos.uz/>) orqali ochiq tanlov asosida qabul qilinib kelinmoqda hamda nomzodlar ustidan o'tkazilgan tekshiruvlar boyicha barcha ishga qabul qilingan xodimlar nazoratdan o'tkazilgan.

Ta'lim va kommunikatsiya.

Korrupsiyaga qarshi kurashish bo'yicha markaziy apparat va hududiy statistika organlari kesimida o'quv-seminar yig'ilishlari (bevosita) o'tkazib kelinmoqda.

Statistika agentligi huzuridagi Kadrlarni malakasini oshirish va statistik tadqiqotlar institutida doimiy ravishda tizim xodimlari malaka va ko'nikmalari oshirilib kelinmoqda. Korrupsiyaga qarshi kurashishga bag'ishlangan dars soatlari yo'lga qo'yilgan.

2023-yilning II choragida 600 dan ortiq tizim xodimlari Korrupsiyaga qarshi kurashish va murosasiz munosabatda bo'lishga bag'ishlanga darslarda ishtirok etishdi. 2023-yil davomida 1700 dan ortiq tizim xodimlarini huquqiy savodxonligini oshirish bilan birga ularning korrupsiyaviy holatlarga nisbatan murosasiz munosabatda bo'lish yuzasidan ijobiy ko'nikmalari shakllantirilmoqda. 2023-yilning II choragi davomida 331 ta xodim malaka o'quv kurslarida qatnashishdi, kurslar davomida 153 nafar xodimlar korrupsiyaga qarshi murosasiz ko'nikmalarini shakllantirish uchun 2 soatlik o'quv darsini o'tdilar.

2023- yil II chorakda statistika tizimida 300 dan ortiq korrupsiyaga nisbatan murosasiz munosabatda bo'lishga qaratilgan tarqatma materiallar ya'ni fla'er, banner, plakat va qo'llanmalar tarqatildi.

Korrupsiyaviy xatti-harakatlar va huquqbuzarliklar to'risidagi xabarlar.

Hisobot davrida xodimlarning korrupsiyaviy xatti-harakatlari, manfaatlar to'qnashuvi, korrupsiyaga qarshi boshqa qonunbuzarliklar bilan bog'liq masalalar to'g'risida xabarlar markaziy apparat va hududiy statistika organlari kesimida aloqa kanallari orqali kelib tushmagan.

Agentlik va hududiy statistika organlari kesimida xodimlar tomonidan korrupsiya holatlari aniqlanganda ular bilan tuzilgan mehnat shartnomasi qonunchilikga muvofiq bekor qilinishi haqida ogohlantirilib, ulardan belgilangan tartibda tilxatlar olingan.

Xodimlarni ishga qabul qilish jarayonlari to'liq elektronlashtirilgan "Argos" platformasi mavjud bo'lib, tashkil etilgan maxsus ishchi komissiya nazorati ostida suhbat va test jarayonlari amalga oshirilib kelinmoqda.

Agentlik va uning quyi tuzilmalarida bevosita faoliyat olib borayotgan xodimlarga nisbatan joriy yilning II choragi davomida korrupsiyaviy xatti-harakatlar, manfaatlar to'qnashuvi holatlari aniqlanmagan.

Ishonch telefonlari domiy ravishda nazoratga olingan va bugungi kunga qadar korrupsiyaviy omillar to'g'risida birorta ham ma'lumotlar kelib tushmagan.

Monitoring va nazorat.

Hududiy statistika organlari kesimida tekshiruvlar o'tkazish, Korrupsiyaga qarshi ichki nazorat xizmatining 2023-yil uchun tasdiqlangan reja grafikka muvofiq, amalga oshiriladi.

2023- yilning II choragi davomida Korrupsiyaga qarshi ichki nazorat xizmati tomonidan Statistika agentligining Qoraqalpog'iston Respublikasi, Xorazm viloyati statistika boshqarmalarida o'rganishlar amalga oshirildi, o'rganishlar davrida aniqlangan kamchiliklar yuzasidan ma'sul xodimlarga maqsadli topshiriqlar berildi.

Hududiy statistika organlari xodimlarining korrupsiyaga doir bilim va ko'nikmalarini oshirish yuzasidan Korrupsiyaga qarshi ichki nazorat xizmati tomonidan 10 dan ortiq davra suhbatlari o'tkazilib, korrupsiyaviy omillarga duch kelgan taqdirda xodimlarga aynan qanday xatti-harakatlarni amalga oshirishlari lozimligi to'g'risida tushuntirildi.

Aniqlangan qoidabuzarliklar va ularga ta'sir choralari.

Joriy yilning II chorak yakuni bo'yicha Agentlik va hududiy statistika organlarida korrupsiyaga oid qoidabuzarliklar aniqlanmadi. Shu bilan birga, xodimlarga korrupsiyaviy holatlar to'g'risidagi o'z vaqtida xabar berishlari uchun axborot manbalari (telegramm, instagramm), ishonch telefoniga murojaat qilishlari mumkinligi borasida keng imkoniyatlar yaratilgan.

Xulosa.

Tizimda ochiqlik va shaffoflikni ta'minlash bo'yicha bir qator ishlar amalga oshirildi. Bulardan har chorak yakuni bo'yicha davlat xaridlari yuzasidan

hisobot tayyorlanib, Agentlikning rasmiy saytiga <https://stat.uz/uz/rasmiy-statistika/byudjet-to-g-risidagi-qonunchilik-hujjatlariga-muvofiq-ochiq-ma-lumotlar> joylashtirildi.

Xodimlarni ishga qabul qilish to'liq davlat fuqarolik xizmatlari (ARGOS) orqali qabul qilinib kelinmoqda. Bo'sh ish o'rinlari to'g'risidagi ma'lumotlar Agentlikning rasmiy sayti <https://stat.uz/uz/matbuot-markazi/e-lonlarr> e'lonlar bo'limiga hamda davlat fuqarolik xizmatlariga berildi.

Agentlikda korrupsiyaga qarshi chora-tadbirlar rejasi tasdiqlangan va barcha hududiy organlarga yuborilgan. Hududiy statistika boshqarmalari tomonidan har chorak yakuni bo'yicha tizimda korrupsiyani oldini olish yuzasidan hisobotlar taqdim etilmoqda.

Korrupsiyaga qarshi ichki nazorat xizmati tomonidan joylarga chiqqan holda hududlarning korrupsiyaga qarshi amalga oshirayotgan ishlarni o'rganish yo'lga qo'yilgan. Joriy yilning aprel-iyun oylari davomida tasdiqlangan grafik asosida o'rganishlar amalga oshirildi va natijalar yuzasidan rahbariyatga ma'lumot kiritildi.

Korrupsiyaga qarshi ichki nazorat xizmati tomonidan korrupsiyaviy xavf-xatarlarni kamaytirish bo'yicha rahbariyatga takliflar kiritib kelinmoqda.

Korrupsiyaga qarshi ichki nazorat xizmatining asosiy maqsadi tizimni korrupsiyaviy xavf-xatarlardan holi qilish hamda **“Statistika tizimini korrupsiyasiz sohaga aylantirish”** maqomini olishdan iborat.

Jamoatchilik kengashi yig'ilish kun tartibidagi 5-masala yuzasidan kengash a'zolari qaror qiladi:

1. Agentlikda 2023-yilning II choragi davomida korrupsiyaga qarshi kurashish tizimining faoliyati to'g'risida Korrupsiyaga qarshi ichki nazorat xizmati boshlig'i Melikmurotov Botir Nabijonovichning hisoboti ma'lumot uchun qabul qilinsin.

2. Korrupsiyaga qarshi kurashish tizimini takomillashtirish bo'yicha tashkil etilayotgan tadbir va seminarlarning Axborot xizmati tomonidan OAVda keng yoritilishi ta'minlansin.

3. Korrupsiyaga qarshi ichki nazorat xizmati tomonidan korrupsiyaviy xavf-xatarlarning oldini olish bo'yicha aniq taklif va tavsiyalar ishlab chiqilib, amaliyotga keng joriy etilsin.

4. Tizimda korrupsiyaviy holatlar yuzasidan o'z vaqtida xabar bergan xodimlarni rag'batlantirish choralari ko'rilsin.

VI. Ijro intizomi bo'yicha II chorak yakuni bo'yicha bajarilgan ishlar.

O'zbekiston Respublikasi Prezidenti huzuridagi Statistika agentligi tizimida murojaatlar bilan ishlash, aholi bilan uchrashish, sayyor qabullarini

o`tkazish, jismoniy va yuridik shaxslarni qabul qilish, ularning yozma, og`zaki va elektron murojaatlarini qonunchilik talablari, asosida ko`rib chiqishni ta`minlash yuzasidan qator chora-tadbirlar amalga oshirilmoqda.

O`zbekiston Respublikasi Prezidenti huzuridagi Statistika agentligi rahbariyati tomonidan 2023- yil I- yarim yillikda Qoraqalpog`iston Respublikasi, Toshkent shahri va viloyatlardagi shahar va tumanlarda jismoniy va yuridik shaxslar murojaatlari uchun tashkil etiladigan sayyor jadvaliga muvofiq, 2023- yil 2-chorakda tuman va shaharlarda 9 ta sayyor qabul uchrashuvlari tashkil etildi.

Ushbu qabullarda 125 dan ortiq jismoniy va yuridik shaxslar ishtirok etgan bo`lib, murojaatlarning aksariyati joyida o`z yechimini topgan, muddat talab etiladigan 46 ta og`zaki murojaatlar qonunchilikda belgilangan tartibda ro`yxatga olingan hamda yozma javob xatlari murojaat mualliflariga o`z muddatlarida taqdim etilgan.

O`zbekiston Respublikasi Prezidenti huzuridagi Statistika agentligiga 2023- yil aprel-iyun oylarida jismoniy va yuridik shaxslardan kelib tushgan murojaatlarning jami soni 306 tani tashkil etib, ularning 106 tasi (34,6 %) jismoniy shaxslardan, 200 tasi (65,4 %) yuridik shaxslar hissasiga to`g`ri keladi.

Shundan, 37 ta murojaat O`zbekiston Respublikasi Prezidentining virtual qabulxonasi orqali, 159 tasi Agentlikning elektron pochталari orqali, 55 tasi og`zaki murojaatlar, 45 tasi to`g`ridan-to`g`ri kelib tushgan.

Kelib tushgan murojaatlarning mazmuni yuzasidan qilingan tahlillarga ko`ra, 143 tasi (46,7 %) respublikaning ijtimoiy-iqtisodiy rivojlanish statistik ko`rsatkichlari ma`lumotlarni taqdim etish yuzasidan, 55 tasi (18,0 %) o`z faoliyatini amalga oshirish uchun amaliy yordam olish yuzasidan, 52 tasi (17,0 %) korxonalar va tashkilotlarning yagona davlat registr bazasiga kiritish, chiqarish, statistik kodlar berish masalasi yuzasidan, 22 tasi (11,0 %) statistik hisobotlarni to`ldirish va taqdim etish yuzasidan, 11 tasi (2,7 %) reyting va baholash masalasida Qurilish vazirligiga korxonalar haqidagi ma`lumotlarni taqdim etish so`ralgan, 3 tasi (1,0 %) nafaqa hujjatlarini rasmiylashtirish uchun ish staji, ish haqi, tashkilot nomining o`zgarishi to`g`risidagi arxiv ma`lumotlari va amaliy yordam so`ralgan, 10 tasi (3,3 %) boshqa masalalar yuzasidan murojaatlar tashkil etilgan.

Statistika agentligiga kelib tushgan murojaatlarning asosiy qismi Toshkent shahridan 171 ta (55,9 %). Shuningdek, Toshkent viloyatidan 24 ta (7,8 %), Samarqand viloyatidan 14 ta (4,6 %), Buxoro viloyatidan 12 ta (3,9 %), Sirdaryo viloyatidan 9 ta (2,9 %), Qashqadaryo viloyatidan 5 ta (1,6 %), Navoiy viloyatidan 11 ta (3,7 %), Surxondaryo viloyatidan 7 ta (2,3 %), Jizzax viloyatidan 6 ta (2,0 %), Farg`ona viloyatidan 10 ta (3,3 %), Namangan

viloyatidan 6 ta (2,0 %), Xorazm viloyatidan 6 ta (2,0 %), Andijon viloyatidan 10 ta (3,3 %), Qoraqalpog`iston Respublikasidan 3 ta (1,0 %) va boshqa 2 ta (0,7 %) murojaatlar kelib tushgan.

Kelgan murojaatlar bo'yicha jami 306 ta murojaatdan 212 tasiga chora ko'rilgan, 74 ta murojaatga tushuntirish berilgan, 10 ta murojaat tegishliligi bo'yicha vakolatli davlat organiga yuborilgan, 10 ta murojaat ko'rib chiqilmoqda.

Kelib tushgan murojaatlar Agentlik rahbariyati tomonidan nazoratga olinib, ularning barchasiga o'z muddatlarida tegishli mas'ul ijrochilar tomonidan yozma ravishda javob xati yuborilgan.